



Հուսիկ Արա

Անվերնագիր

Արքմենիկ Նիկողոսյանին

Ժամանակի լվացքից կակուղ
կհանե՞մ հիմա օրեր պարզաշրած,
որ գգամ թարմություն սպիտակեղենի:

Մենք արթնացանք հանկարծ կեսգիշերի մեջ մերկ,
երագի թարթող գույները դեռ բիբերի վրա մեր,
ու քայլեցինք՝ հայացքը հեռու մի աշխարհի անհայտ,
ոսկե խնձորը բերելու՝ մեր ափեամբ սիրո ապացույց,
թագավորի մինուճար աղջկա համար,
որ մեզ պատմած հեքիաթի երկրում էր սպասում:

Ակնթարթը կանգ էր առել մի բևեռած կետի .
մենք հորինում էինք ժամեր՝ նուրբ կարերով ու ոսկեթել,
որ օրերի շնչառությունը շարունակվի:
Ծարավ եկան ու մեր սերը խմեցին մինչև վերջին կաթիլը,
քաղցած էին, մեր երագը մաս-մաս տվեցինք իբրև կերակուր
ու մեր հավատը ցմրուր քամեցինք աչքերի մեջ նրանց, որ հոգնած էին:
Երկրի ծանրությունը այնքան խիտ էր մեր ոսկորներում նստել,
որ չհասցրեցինք հոգալ ընտրությունը դրախտի միջև ու դժոխքի .
Աստծու մոռացված գառի նման մոլորվում էինք միշտ
ու բզկտված բրդով մեր հիշողությանը վերադառնում:

Մենք մեռնում էինք, որ ապրենք .

գետնաքարշ քրքիջով մեր վարքը ծաղրեցին,
մտրակեցին մարմինը ութբեցին հոգու մեջ:

Մենք խաչ ելանք ճակատագրովներ ընտրած
ու մեր ձեռքով խփեցինք մեր գամը,

որ կատարվի գրածը արյունակից եղբայրների .

երկրինը երկրին, իսկ Հուդայինը տալով հուդաներին,

մի վերջին կյանք նրանց փրկության համար խաչի վրա նետեցինք .

-Մա է մարմինը մեր, առե՛ք ու կերե՛ք: